

wahine me Ngarongoa, Waitotara, Tara-naki, Ngarauru; Wiremu Keretene, Kawa Kawa, Ngapuhi; Matene Naera me tona hoa wahine me Hemaina. Hoki-anga, Ngapuhi; Te Ropere Tahuri-o-Rangi, me tona hoa wahine me Mihirini, Rototui, Te Ariwa; Ko te Reweti Kohere kei konei e noho ana inaianei, e ako ana ano i ana mahi o te kareti i Christchurch.

E hoa e Peneti ana ka tukua atu otahi kakano iti nei, hei whangai i ta tatou manu i a Te Pipiwharaurou. Na Matou katoa tena kohikohi. Hei nga pu hua pea te kai, ka tukua atu ano i etahi. Tukua mai etahi kape o Te Wharaurou kia matou, hei tau e hiahia ai. Heoi, na Te Atua koe e whakakaha ki te hau i nga mahi o te Hahi. Kanui to matou ora, a nei rawa to matou mate he ruarua rawa no matou. Kowai ra e haere mai hei noho i etahi o nga runga o te whare nei? Tena taria.

TURUTURU M. NGAKI,
Maehe 15, 1899. Te Rau Kareti, Gisborne,

HE INOI MO TE KARETI.

E Ihowa, e te Atua, ko koe nei te Kai-homai o te matauranga, o te pai katoa, he inoi tenei na matou kia titiro atawhai mai koe ki tenei Kareti. Awhinatia tonutia mai nga kai-whakaako me nga akonga, kia ata mahia ai e tenei, e tenei, kia whai hua pai ai nga taonga kua homai nei e koe hei mahinga; tiakina hoki o matou tinana kei pangia e te mate, me o matou wairua kei poke i te whakaaro kino; ko Ihu Karaiti hoki to matou Ariki. Amine.

TE HURINGA O NGA TAU KOTAHU RAU O TE ROPU TONO MIHINARE.

Me panui tenei i te mutunga o te Karakia o te Ata, o te Ahiahi, a te 9 o nga ra o Aperira.

Ki nga Minita, ki te iwi Maori hoki o te Hahi i te Pihopatanga o Waitapu.

E oku hoa aroha, tena koutou.
I puta taku kupu, i taku whai-korero ki te Hui o te Hahi Maori i mua ake nei, mo te Ropu Tono Mihinare o te Hahi i Ingarani ka tutuki nei ki te 100 nga tau. Tona ra huri-tau, i rite nei ki te ra whanautanga, ko te 12 o Aperira. Heoi he kupu tena ki a koutou, kia puta he inoi ma tatou a taua ra mo te mahi a taua Ropu tono Mihinare kia manaakitia tonutia e te Atua, mo nga kai-mahi hoki kia tokomaha, mo nga tangata katoa o te Hahi kia kakama ki te tautoko i taua mahi, ara i te hora haere i te Rongopai ki nga iwi katoa o te ao; me te whakawhetahi ano mo taua karanga i a tatou i roto i te pouri ki tona marama whakamiharo.

Ko te mea pai, me huihui nga tangata katoa o ia kainga, o ia kainga ki te karakia i te awatea ranei, i te ahiahi ranei. Tena nga waiata, nga upoko, me tetahi inoi mo taua karakia.

Na to koutou matua,
na TE WIREMU, PIHOPA.
NEPIA, 17 Maehe, 1899.

MO TE 12 O APERIRA, 1899.

Nga Waiata, 72 96.

Te Upoko tuatahi, Ibaia 49 ki ra. 14.

Te Upoko tuarua, Epeha 3 ki ra. 14.

He Inoi mo mua ake o Inoia Karibotoma.

E te Atua kaha rawa, nau, ara na taua Tama, na Ihu Karaiti, nga Apotoro i whakahau kia haere ki te ao katoa ki te kauwhau i te Rongopai ki nga tingata katoa; he whakawhetahi ta matou ki a koe mo tau karanga i a matou ki roto ki tau Hahi. Mau matou e mea kia kakama ki te whakarite i tau kupu, kia takare ano ki te whakaatu i tau huarahi ki runga ki te whenua, i tau mahi whakaaro ki nga tauwiwi katoa. Titiro atawhai mai ki nga tauwiwi kahore ano kia mohio ki a koe, ki nga mano tangata e noho marara nei, ano he hipi hepara-kore. E te Matua i te rangi, ko koe te Ariki o te kotinga, whakarongo mai ki a matou inoi, tonoa hoki kia tokomaha he kai-mahi ki tau kotinga. Ma tou aroha noa ratou e mea kia tau mo ta ratou mahi; tukua mai ki a ratou te wairua o te kaha, o te aroha, o te whakaaro pakari; kia manawani ratou ki nga mea uaua; kia riro hoki kotu ratou whakahare tika, ko ta ratou ako, hei whakapuaki i tau kororia, hei kukume mai i nga tangata katoa ki te ora: ko Ihu Karaiti hoki to matou Ariki, Amine.

NGA KAUTE O NGA MONI MO TE PIPI WHARAURAO MO TE TAU TIMATA MAI I A MAEHE 1898 KI A MAEHE 1899.

NGA MONI RIRO ATU.		£	s.	d.
To Printing	...	28	15	6
„ Postages	...	5	11	2
„ Clerical duties	...	0	19	0
„ Cash in hand	...	0	14	2
		<u>£35 19 10</u>		

NGA MONI RIRO MAI.		£	s.	d.
By Subscriptions	...	32	19	10
„ Special donation for new title	...			
page	...	3	0	0
		<u>£35 19 10</u>		

F. W. CHATTERTON,
Kai Tiaki o nga moni.